

紹熙雲間志

雲間志中

仙梵

自吾道不明而釋老之教始行若<sup>藏</sup>與可交之徒於其教不可謂無所得者揆之吾道不當書夷攷方志往往不廢其人故亦得以載焉

心鑑禪師

高僧傳藏真姓朱氏蘇州華亭人也母方娠及誕嘗聞異香未冠禮道曠禪師出家詣嵩嶽受具再詣五洩山入靈巖大師室參說道要唐大中十

二年洛下修長壽寺敕與居焉明年再

住明州棲心寺所在禪者雲集凡入師室者疑難  
永釋咸通七年示寂葬於天童山其徒以行狀詣  
闕請謚賜號心鑑塔曰壽相

朱涇船子和尚

傳燈錄名德誠入藥山洪道禪師室大明宗旨與  
道吾雲巖為道契自離藥山小舟往來松江朱涇  
以輪釣度日人號船子和尚時夾山善會禪師住  
京口鶴林寺道吾知其所得尚淺令往參船子和

尚會造朱涇見誠大契宗旨辭行再四回顧誠喚  
會回立起梳曰汝將謂別有耶迺覆舟而逝唐咸  
通十年僧藏暉即其覆舟處建寺焉

### 聰道人

靈鑑塔銘云姓仰氏名德聰初受具戒於梵天寺  
叅請諸方密契心印太平興國三年結廬於余山  
之東峯有二虎大青小青為侍有造之者見掛一  
書梁間問之曰此佛經也問嘗讀否曰如人看家  
書一遍既知其義何再讀為嘗曰古人貴行吾何

言哉其他問者皆默然不對天禧元年七月跣坐  
而逝閱月容兒如生

王可交

續仙傳蘇州華亭人也以耕釣為業居松江趙屯  
村一日擢舟入江方擊楫高歌忽見彩舫漾於中  
流有道士七人中有呼可交者頃之不覺舟近舫  
側有呼可交上舫者道士皆視之一人曰好骨相  
合仙生凡賤間已矣破矣一人於筵上令侍者傾  
酒飲之不出與二粟食之甘如飴命黃衣送上岸

覓所乘舟不可得但覺風水林木之聲開眼峯巒  
重疊松栢參天乃在天台山瀑布寺前僧迎問之  
曰今早離家蓋三月三日僧言九月九日已半年  
餘矣僧設食可交厭聞食氣自後絕穀挈妻子往  
四明山不復出今人時有見之者

### 寺觀

浙右喜奉佛而華亭為甚一邑之間為佛祠凡四十  
徒又能張大其事亦可謂盛矣故迹其創造歲  
月而次第之道宮一附見焉

靜安寺

在滄瀆按寺記吳大帝赤烏中建號滄瀆重祀玄聖祖諱

寺佛法入中國雖始於漢而吳地未有寺也赤烏

十年康僧會入境孫仲謀始為立寺建鄴曰建初

建初者言江東初有佛法也豈滄瀆寺相繼創建

耶景筠石幢記中間號永泰禪院本朝祥符元年

改今額釋迦方志云晉建興元年有二石像浮于

吳松江口吳人朱膺等迎至滄瀆重祀玄聖祖諱寺像背

題曰維衛曰迦葉陵集建興八年漁者於滄瀆

沙汭獲石鉢以為白類草而用之佛像見于外漁者異之乃以供二聖今佛與鉢皆在平江開元寺有毗盧遮那佛吳越王瑜迦道場中像佛五臟皆書錢氏妃嬪名氏有陳朝檜皮日休陸龜蒙有重

化玄  
聖祖諱寺雙檜詩

### 普照寺

在縣西二百八十步唐乾元中建初名大明寺大中祥符元年改今額寺有陸將軍祠世傳地本陸氏園亭因以祠焉世傳固未可信而嘉禾詩文乃



謂陸機捨宅為寺亦妄矣機死於晉大安二年而  
寺建於唐乾元中豈得為機捨宅乎或恐其後子  
孫按晉史世說叙錄機之子蔚夏同父遇害於洛  
中雲之後亡又機故宅在華亭谷東崑山下非今  
邑中也寺有北方天王祠吳越王加封護國石刻  
存焉沈存中筆談載雷震天王寺屋柱倒書曰高  
洞揚雅一十六人火令章凡十一字內令章兩字  
特奇勁似唐人書體今石刻尚存即此寺天王堂  
也寺之東北隅有善住教院傳賢首宗

圓智寺

在干山舊名禪居按宗毅寺記唐大中十三年建之於邑西南二里晉天福中水堧寺基始遷于干山太平興國中都水使錢綽始建造堂宇有僧憲瞻入天台韶國師室來住此寺人多歸之精舍始全備

朝廷賜瞻師號曰崇惠明教治平中賜今額

寶雲寺

初名法雲寺在顧亭林市西北隅大中十三年建

晉天福五年湖水壞寺基始遷寺南高基即陳顧  
黃門故宅寺有顧黃門祠有沈斌及靈鑑寺記伽  
藍神記治平中賜今額

### 普門院

在盤龍去縣五十里唐大中十二年吳人陸素建  
本名觀音院祥符元年賜額寺有石天王舊傳因  
大水漂至今多禱之

### 寶相寺

在縣西南三百步本清禪居寺唐乾符元年造大

中祥符元年賜今額

方廣寺

在柘林去縣八十里唐咸通六年造按寺記蔡侍郎功德院建隆中賜額延壽院治平元年改今額

寺有蔡侍郎詞

詳見詞廡門

蔡氏墳塋在寺之左右石幢

猶蔡氏故物

法忍院

在朱涇去縣三十六里即船子覆舟處所唐咸通十年建本名建興院治平元年賜名法忍寺有船

予和尚夾山會禪師遺像至今祠焉

### 起果寺

在縣西三里本名長壽寺唐咸通十五年心鏡禪師造按唐會要洛陽伽藍記武后以齒髮既老造長壽寺於東京改元長壽又高僧傳載心鏡禪師藏真蘇州華亭人會昌廢寺大中復脩洛下長壽寺敕真居焉真後嘗歸鄉造寺豈此復名長壽寺乎盧仝集訪曦上人詩有三入寺曦未來及含曦答詩長壽寺石壁盧公一首詩之語玉川先生居

洛城裏則長壽寺固其常遊也今乃以全詩為在  
華亭則妄矣治平元年改今額有觀音大士像寺  
有石刻云本錢武肅王宮中所祈禱者太平興國  
中錢氏歸國僧慶依得之未知所適一夕夢白衣  
人告曰吾與若偕之雲間既寤乘舟而來將至縣  
西大士舒祥光下貫起果遂迎以榻焉至今兩暘  
皆禱之寺有天台教院按芝園集雲間起果十方  
學校香嚴湛創建有陳舜俞為之記

福善院

福善院在趙屯梁

北貞  
案名

明六年僧智道立精舍晉

天福二年賜尊勝院大盛祥符元年改賜今額

### 明行院

在南橋晉天福五年里人蔣漢斌造請於錢忠懿王始名安和院至太平興國八年改賜今額

### 院記

華亭園謀載春秋時夫差三女子墓田曰三女岡聲詩則播諸唐令丑詢并荆公王介甫都官梅聖俞邇岡之刹曰安和晉天福五年蔣漢斌環堵中

芬陀利花擢於陸聚族而謀曰是八吉祥六殊勝  
處盍施諸釋梵家遂基此刹楨榦於是者曰本立  
病潮齧岸址白漢城議徙于此改曰明行用

淮海王錢中令歸

朝所請之額堂宇樓殿金碧煥粲雲棲駕瓴川行  
瑛題其如經說凡所當有罔不具藏乘二千餘卷  
棗柏大士華嚴合論在焉鐘梵壓萬籟為一方宅  
心純想之地遷善遠罪者咸知鄉方一燈長明四  
檀委翰規矩準繩有條而不紊五季方中水立晝昏



真人應期民登衽席 聖：授受幾三百年未聞  
識載固自若也云胡惠日求紀述為日曰故國喬  
木其大蔽雨其高垂雲可無封植日翼懋長風雷  
之鼓盪雨露之膏沐而至此也一剝百堵容數千  
楮功倍封植惠戒剪伐人天之所瞻龍象之所懷  
不啻故國喬木固知剝業之艱難則將急乃訓盡  
講明以詔後世不亦可乎因其說系之以辭：曰  
五季中民迍遭沸如麋號無天中令君吳越錢奮  
一旅圖萬全玉節勁金城陞王海國遮中原振義

聲聞福田空寂崇經象傳謹利建泉貨捐為憐  
持危顛誓子孫銘肺腑肝摘錦繡包山川歸 有德  
同永年帶如河屬如山與笠乾無黨偏 勅差臨  
安府淨慈光孝禪寺住持北磻居簡記

結界記

余作三女岡明行院記於嘉熙初元越二年結大  
界相成荐請紀其事其說曰天可陟吾疆不可入  
地可陷吾疆不可犯不吉祥及諸惡律儀自退舍  
於廣莫之野而無何有之鄉且夫天地之大八荒

之廣從而無際衡而無朕雖吾廬千柱萬礎磅礪  
川谷包絡平野眇而眇之一鉅耳吾身小天地淵  
乎方寸者心也至微也至幽也出入無時莫知其  
鄉三災弥淪心為本根不鉏其根滋蔓罔既乃於  
是中自燔自溺然則界相在此而不在彼曩記錢  
塘大椎院創建之顛末嘗究其說矣今此舉行墜  
緒補有寺以來闕典故申言之且嘉其事法精至  
而秉法攝僧攝衣攝食唱相羯磨與波羅提木人  
絲毫不忒背寺之傳教比立憲日講明而奏厥功

乃策其勲而系之以辭、曰  
善乎明行大界相之結也彌滿清淨於其內他莫  
我干也噫結固易與爾守難手哉傳曰重門擊柝  
以待暴客備禦侮也匪擊柝戒嚴於其外則猾闖  
狃闖強侵暴陵重門果何恃 夫倚界相之固不  
希勝進槃樂怠傲習燕安之 自以為安室利處  
忘自永多福則非吾所敢知

白蓮花詩

僧惠日

神佛何由測芬陀陸地興素芳呈玉雪梵刹 丘陵

換額從偏霸懸碑自老僧慇懃勸來者期使續千燈

同前

趙崇森

舊址來從晉中更裁廢興一蓮開陸地三女臥岡陵  
題咏誇先輩流傳得主僧林深鐘梵寂長夜一明燈

同前

高子鳳

地產枝蓮異蓮宮自此興殊祥天不靳奇豔雪堪陵  
魄化疑吳女碑傳有蜀僧何當尋勝槩吟新佛前燈

同前

惠日

白羽芬葩陸地蓮可曾搖曳水中天肯於素豔分新

紫不與紅酣間碧鮮玉井無因期摘寶金園有兆必  
開先應知瑞與優曇並一朵騰方萬古傳

同前

僧善月

天開地闢詎云賒異草靈苗特一家不有岡頭三女  
繁爭敷處子六郎花英雄有種凜生氣白玉微根不  
受瑕他時若補芬陀傳端與優曇定等差

同前

僧居簡

三女岡邊寺樓臺覓鬱嵒近郊間梵放陸地出芬陀  
天福雖營刹中原尚枕戈煙塵絕淮海熨帖看鯨波

七寶院

在縣東北七十五里元係福壽院大中祥符元年  
賜今額寺有五代時檜今已合抱

布金寺

在大盈唐大和二年建本法雲禪院治平元年易  
今額紹興間復為禪院寺有陳舜俞經藏記

明心院

在北橋去縣三十五里按錢武肅王立寺記都水  
使者錢綽造武肅王以誦華嚴經僧居之因以為

華嚴院治

興聖院

在縣東南二百步按孤山間居集載興聖院結界  
序漢乾祐二年邑人張犯壽墓慈名之子仁捨宅為寺本  
名興國長壽祥符中改覺犯聖祖諱院後改今額寺有  
嘉祐中賜藏經

海惠院

在白牛市建隆初里人姚廷睿以宅為寺名興  
國福壽院治平元年改今額姚即為伽藍神



空相寺

在龍華張仁泰請於錢忠懿王始建舊號龍華寺  
治平元年改今額西北隅有白蓮教院

證覺教院

在縣西南百五十步太平興國二年立本無礙浴  
院大中祥符元年賜今額

普照教院

本佘山東庵治平二年賜額寺本聰道人所居因  
以為寺有聰道人塔在山頂寺有上方曰月軒衆

山環列其前蓋絕境也

宣妙院

本余山西庵治平二年賜額寺有上方

惠日院

本余山中庵治平二年賜額

慈雲昭慶禪院

本余山之靈峯庵有馬喙禪師塔其銘曰禪師傳  
雲門正派大闡法席建立精舍復古寺額寺有金  
沙地芥子庵

隆平寺

在青龍鎮市寺元名國清院寺有米元章所書經藏記

隆福寺

在青龍鎮元報德寺唐長慶元年造

勝果寺

在青龍鎮寺有沈光碑紹聖中呂益柔撰妙悟大師希最塔銘云最學天台教緇林號曰義虎後居勝果寺僧房有鬼物為祟最為講說於空中得未

書數十字自稱漢朝烈士沈光大略悔過謝罪之  
語事頗近恠故不詳載

普寧慧日院

在孔宅寺有宣聖祠元豐間賜額

太平興國禪院

在胥浦南去縣四十五里紹興二年請省額

寶勝禪院

在縣東四里紹興六年請省額

在縣南二里紹興二十六年請

勅額崇寧中有僧普願為施水庵鑿地得住世羅漢像十六軀人異之因立寺焉

### 慈濟院

在海中金山絕頂元豐間釋惠安造紹興元年請

### 額

### 普光王寺

在薛澱湖中山頂建炎元年請額

### 延恩報德院

在縣西五里紹興二十四年請額

淨居禪院

在縣東北三百步紹興五年請額

觀音慈報禪院

在縣東北八十里崇寧二年請省額淳熙五年奏  
政錢公良臣請賜功德院也

永定禪院

在周浦村淳熙十四年請額

保安院

在泖西五十里乾道七年請額

廣化漏澤院

在縣西南二里一百步紹興三年請額

寶藏護國禪院

在縣西南五十四里紹興四年請額

興塔院

在縣西南五十四里紹興四年請額

崇福院

在縣東南五十四里紹興四年請額

白蓮寺

在縣西五十四里紹興二十六年請額

大聖院

在縣東五十四里隆興二年請額

報恩院

在縣西四十里乾道二年請額

寧國寺

在縣東北四十五里乾道二年請額

延慶教院



在縣東南三百步乾道六年請額

集福保國水陸禪院

在白牛市之東淳熙九年請額

仙鶴觀在縣南二百步紹興三十一年復建

### 祠廟

古者祀有常典凡山川林谷丘陵能出雲為風雨與夫施法於民以死瘞事以勞定國禦大菑捍大患者皆得以祀之邑之廟祀不一其尤昭著者國之功臣邑之先哲或死於民社之寄與夫山川林谷丘陵之

能出雲為風雨者亦當矣惜乎歷歲浸久名號弗正稽之傳記不足詢之耆老無證姑以所聞著于篇以俟來者

東嶽別廟

在縣西二里

靈濟昭烈王別廟

在縣西三里神姓張氏其英槩靈迹載相川神祠蓋自漢以來江浙多祠之縣之別廟始於淳熙八年

城隍廟

舊在縣西政和四年遷于縣東南七十步唐李陽  
冰曰城隍神祀典雖無吳越中多祠之今州縣城  
隍相傳祀紀信云

### 金山忠烈昭應廟

在海中金山去縣九十里別廟在縣東南八十步  
廟有吳越王鏐祭獻文云以報冠軍之陰德吳國  
備史云大將軍霍光自漢室既衰舊廟亦毀一日  
吳王皓染疾甚忽於宮庭附黃門小北曰國主  
封界華亭谷極東南有金山鹹塘風激重潮海水

為害非人力能防金山北古之海鹽縣一旦陷沒  
為湖無大神力護也臣漢之功臣霍光也臣部黨  
有力可立廟於鹹塘臣當統部屬以鎮之遂立廟  
歲以祀之宣和二年賜顯忠廟五年封忠烈公建  
炎三年卒道宗領舟師由海道護行在所奏加封  
忠烈順濟且賜緡錢以新廟貌四年加封昭應按  
霍去病為冠軍將軍而霍子孟為大將軍今備史  
以為霍光或者吳越祭文不致也嘉禾志有冠軍  
神廟又有金山廟皆云忠烈昭應則以一廟為二矣

廣衛將軍祠

在普照寺寺有石刻載吳越王祭獻文云晉賢陸  
機之祖按吳志機之祖遜初拜撫邊將軍又拜鎮  
西將軍又拜上大將軍吳因漢制雖有雜號將軍  
而考之遜傳未嘗有廣衛之號若機曾祖紆守城  
門校尉高祖駿九江都尉亦未嘗位至將軍

陸司空廟

在縣南三里祥符圖經云陸四公未詳所出今俗  
傳陸機廟按晉史機未嘗為司空為司空者機之

從兄弟玩也又原化記云蘇州華亭縣有陸四官廟元和初有蓋船泊於廟前守船者夜於廟中獲光明珠則又以為陸四官矣

### 築耶將軍詞

在沙岡有築耶城遺址尚存晉左將軍袁崧築也  
有築耶將軍祠世傳祀袁崧云按晉隆安四年崧以吳國內史築淹瀆壘以備孫恩明年恩陷淹瀆崧死境內祠之宜也築耶之義未詳

### 顧侍郎祠

在亭林法雲寺有感夢伽藍神記開運元年仲春  
十有一日寺成僧道中智暉夢二青衣來云陳朝  
侍郎至也後忽見一人紫衣金魚儀容清秀曰此  
地吾之故宅荒已久矣師今於上造佛立寺請立  
吾形像吾當護此寺也可異舊寺基水際古碑為據  
明日二人各言其所夢不異就求之果得古斷碑  
文字破滅云寺南高基顧野王曾於此修輿地志  
二僧於寺東偏建屋立像至今祠焉

通濟龍王祠

在滬瀆故老相傳自錢氏有國已廟食茲土本朝  
景祐五年太史葉清臣為本路漕因浚盤龍滙禱  
于故廟神應如響於是復新祠兒有葉太史祭文  
刻石于廟中

### 蔡侍郎廟

在縣南白砂鄉八十里舊經云未詳據通幽記

貞元五年在嘉興監徐浦下場鞞蓋官場界今諸  
場亦有蔡廟場未詳何神柘林方廣寺有蔡侍郎  
祠按寺記云自古相傳蔡侍郎捨宅為寺竟無稽



考惟石幢題云唐咸通六年蔡贊造去父母塋九十步去壽塋十六步三代皆當世文儒按北元則德宗朝也咸通則宣宗朝也北元中已有蔡侍郎祠矣北雖稗官小說未可盡信不應咸通中蔡始造壽塋也豈寺之所祠與蔡廟場所祠各不同乎

### 姚將軍祠

在縣西一十五步初祠于證覺院政和四年按於此未詳何神

### 福順延德大王祠

在都酒務西未詳何神廣有楊景範造廟石刻云  
熙寧甲寅到官夢遊福順廟見執簿者臂頽求予  
治之未幾以漕命遷酒稅於王故宮之基乃用卜  
宅於茲土豈神之靈有以先授我耶

### 三姑祠

在柘湖之側吳地志秦時有女子入湖為神即此  
祠也柘湖今湮塞為蘆葦之場神亦弗祠今澱山  
湖中普光王寺亦有三姑祠靈甚湖旁三數十里  
田者與往來之舟皆禱焉故老相傳秦時人姓形

氏女兄弟三人云即柘湖所祠也

山

輿圖方志推表山川蓋祖禹貢周職方之遺意也水  
多於山右溯昏爾而崇崗峻嶺華亭又無焉特其  
映帶湖海或得名自昔者不可遺軼今敎而目之  
崑山在縣西北二十三里高一百五十丈周回八里

贈從兄士光車騎詩云髣髴谷水陽婉

山陰注引陸道瞻吳地記曰海鹽縣東北二  
有崑山陸氏父祖葬焉輿地廣記云崑山陸之

先葬此後機雲兄弟有辭學時人以玉出崑崗因  
名之按征北將軍陸禕墓今在山巔

機山在縣西北三十里因陸機得名山下有村曰平  
原亦因陸平原名之平原內史即機也千山圓智  
寺記云所謂機山者往、排巒別嶺聚為陸氏之  
家山總而名焉

橫雲山在縣西北二十三里高七十丈周回五里本  
名橫山唐天寶六年易今名與機山相望僅五里  
許或云因陸雲名之有白龍洞在山頂之西南隅

其深不可計山下有祭龍壇

澱山在縣北六十里在薛澱湖中周回三百五十步  
高三十丈山形四出如鼇上建浮圖下有龍洞屹  
左湖中亦落星浮玉之類傍有小山初年僅兩席  
許久之締長寺僧築亭其上榜曰明極

金山在縣東南九十里周回十里高十七丈吳地記  
云有平坡可容二十人坐山北有寒穴其泉香茸  
余山在縣西北二十四里高八十丈周回十八里舊  
傳有姓余者居此因名焉按姓苑余姓出南昌

干山在縣西北二十九里高七十丈周回五里舊圖  
經云昔有干氏居此圓智寺記云茲山後皆干氏  
所有故以為名

薛山在縣西北二十四里高九十丈周回七里吳地  
記云薛約道居此因以為名

城山在縣北二十里高八十丈周回五里舊經云山  
狀周環如城因此為名

細林山在縣西北十八里高五十丈周回七里本名  
神山唐天寶六年易今名

土山在縣西北二十五里高二十丈周圍一里九十步

秦山在縣南六十里高二十八丈周圍一里九十步  
達岸山在縣東南百六十里海水中周圍八里高二十五丈

竹嶼山在縣東南百八十里海水中周圍六里高五十丈

詩山在縣東南二百五十里海水中周圍五里高五十丈

蕲山在縣北三十里周回三里高五十丈

遮山在縣東南七十里周回二里高五十丈

浮山在縣東南一百里海水中周回一里一百步高

一丈

蘇山在縣東南一百六十里海水中周回一百五十

步高二十丈

巖山在縣西北二十七里周回四里二十二步高四

十丈

鳳凰山在縣西北十八里



陸贛山在縣西北二十五里亦本陸氏家山

水

華亭號為澤國其東南則巨浸其西則長泖其北則松江縈繞二百餘里其浦淑則顧會盤龍崧塘大盈趙屯五者為大昔桑欽鄴道元生長西北故水經叙西北加詳而東南踈略識者思欲補欽之遺矣况一邑之水其能盡言之耶今攷五浦之源委而種別之其他陂塘河渠有可書者列次之焉

三泖

按廣韻泖水名華亭水也陸龜蒙詩云三茆涼波  
魚鮑動注曰吾遠祖士衡對晉武帝三泖冬溫夏  
涼蓋謂此也祥符圖經谷泖縣西三十五里周回  
一頃三十九畝半古泖縣西四十里周回四頃三  
十九畝今泖西北抵山涇南自泖橋出東南至廣  
陳又東至當湖又東至瀚海塘而止朱伯原續吳  
郡圖經曰泖在華亭境泖有上中下之名泖之狹  
者猶且八十丈又按海鹽之蘆漈浦海鹽即武原  
也行二百餘里南至浙江于疑此即谷水故道水經

以為入海而此浦入江蓋支派之異也今俗傳近山涇為下泚近泚橋為上泚或者其與陸士衡朱伯原之言合按縣圖又以近山涇泚益圓曰團泚近泚橋泚益濶曰大泚自泚而上縈統百餘里曰長泚此三泚之異也或以須顧泚謝家泚為三泚此二者在縣之東南一陂澤爾與古所謂三泚者相望五七十里殊不知泚自有上中下之名也

谷水

陸士衡詩髣髴谷水陽婉孌崑山陰陸道瞻吳地

記云海鹽縣東北二百里。有長谷。昔陸遜陸凱居此谷。水東二里有崑山。父祖葬焉。水北曰陽山。北曰陰。則此水在崑山之北也。寰宇記谷名華亭谷。水下通松江。祥符圖經華亭谷水東有崑山。元和郡國圖志在縣西三十五里。朱伯原續吳郡圖經本之。鄺善長云松江東南行七十里入小湖。自湖東南出。謂之谷水。南接三泖。陸士衡詩所云。即此水也。或曰縣之西湖。即谷水也。湖東灘。磧即啖鶴灘也。鶴飲此水。其聲則清。按圖經縣之西湖。即瑁

湖也如陸士衡詩吳地記寰宇志朱伯原續圖經  
言谷水如此而世傳如彼何也獨祥符圖經曰谷  
水在縣南長百五十步世之所傳其出於斯乎

### 松江

松江在縣之北境七十里其源始於太湖口而東  
注于海書曰三江既入震澤底定常昭以為三江  
者松江浙江浦陽江也今浙江浦陽江與震澤不  
相入常說非也續吳郡圖經據鄞善長云松江自  
湖東北逕七十里江水分流謂之三江口吳越春

秋云范蠡去越乘舟出三江之口入五湖之中謂此也庾仲初揚都賦注云太湖東注為松江下七十里有水口分流東北入海為婁江東南入海為東江與松江而三今松江自吳江縣過甫里逕葦亭入青龍鎮自湖至海凡二百六十里若夫有新江舊江之別者嘉祐間吳中水災時李兵部復圭為轉運使韓殿省正彥宰崑山開松江之白鶴匯如盤龍之法其後崇寧中漕使鄭亶又浚治之遂為民利嘗詢之父老所以然者松江東注委蛇曲

折自白鶴匯極于盤龍浦環曲而為匯不知其幾  
水行迂滯不能逕達于海今所開松江自白鶴匯  
之北直瀉震澤之水東注于海略無迂滯處是以  
吳中得免水患

### 滄瀆江

在縣東北吳郡記松江東瀉海曰滄海亦謂之滄  
瀆廣韻滄水名也白虎通發源而注海曰瀆陸魯  
望漁具詩序列竹於海澁曰滄吳之滄瀆是也皮  
日休吳中苦雨詩全吳臨巨溟百里到滄瀆海物

競駢羅水怪爭滲漉卽此是也江側有滄瀆壘蓋  
虞潭袁崧防海之處兩旁有東西蘆浦瀉于瀆江  
舊圖滄瀆江口在縣東北一百十里

### 顧會浦

按慶曆開顧會浦記直縣西北走七十里趨青龍  
鎮浦曰顧會南通漕渠北達松江今日通波塘浦  
自蕪山之陽地形中阜松江潮至半道輒回蕪山  
之旁沙塗壅積故自慶曆辛巳紹興乙丑乾道乙  
酉一再開通未幾輒淤滯紹興乙丑因浚塘又於



盤龍浦

縣之北門築兩狹堤依舊基為閘以時啓閉復於浦之東闢治行道石梁四十六以通東鄉之停浸

自縣東北達于舊江以其委蛇曲折如龍之盤得名祥符圖經縣東北四十五里續吳郡圖經有盤龍滙者介於華亭崑山之間步其徑纒十許里而洄穴迂緩逾四十里江流為之阻遏盛夏大雨則泛濫淪稼穡壞屋廬殆無寧歲自乾興以來屢經疏決未得其要范文正公守平江嘗經度之未建

興作寶元元年太史葉清臣按漕本路遂建議醜  
為新渠道直流速其患遂弭

### 崧子浦

按舊圖崧子浦在縣東北五十里又崧子塘在縣  
北十五里分而為二者蓋北十五里崧子浦之口  
東北五十里者下注于舊江口也慶曆開顧漚浦  
記以為嵩塘蓋此浦與顧會浦同流而異派皆瀉  
水于松江

### 大盈浦

在縣西北七十里南接潞山湖北自白鶴匯以達  
于松江浦闊三十餘丈慶曆開顧會浦記論華亭  
浦漱五而大盈居其一王介甫詩徒嗟大盈北浩  
浩無春秋即此浦也

趙屯浦

在縣西八十里南接潞山湖北達于松江浦闊五  
十餘丈即王可交過仙處

內勤浦在縣西八十里

直浦在縣西北七十五里

南澗浦在縣西北六十八里

梁紇浦在縣西北八十里

艾祁浦在縣東北六十五里

華潮浦在縣東北六十五里

郭巷浦在縣東北六十五里

小來浦在縣東北三十五里

新沒浦在縣東北八十里

上澳浦在縣東北八十里

西蘆浦在縣東北八十五里

大蘆浦在縣東北八十五里

上海浦在縣東北九十里

南鎗浦在縣東北一百里

右浦凡十四在縣之北境皆所以達上流之水以  
歸于松江也

薛澱湖

在縣西北七十二里有山居其中湖之西曰小湖  
南接三泖其東大盈浦其北趙屯浦蓋湖所以受  
三泖及西南諸港之水自二浦以瀉于松江也舊

圖所不載止有小湖在西北六十里周回三里吳郡圖經云西北有白蜺馬騰谷瑋瑁四湖舊圖谷湖在縣西北五十三里馬騰西北六十里白蜺西北七十里今白蜺湖在長洲界所謂馬騰谷瑋瑁相去五十里間澱湖周回幾二百里茫然一壑不知孰為馬騰湖孰為谷湖也此湖古來鐘水之地近者如白蜺湖皆成園田湖之四旁亦有築堤為田者歲有水潦則潴水者益狹矣

騎湖

在縣西北三十五里周回二十里一名洋湖舊經云湖有陸錡宅因以為名又縣東南六十里亦有洋湖徑十餘里今皆為蘆葦之場

鶯竇湖在縣東三十里周回五里

乘蘇湖在縣南七十里周回十七里

唵鶴湖在縣南四十五里周回五十六里

永興湖在縣南四十里周回三里

右三湖載之祥符舊圖今未詳所在

沈涇塘

在縣西五里南接運河北接大盈浦蓋自鶴李城  
下水流東北則此塘所以馮上流之水也往時歲  
旱浚之遇潮漲則亦可以引松江之水以資灌溉

### 古浦塘

在縣西行二十七里以達于泖歲旱亦可引三泖  
之水以資灌溉

### 鹽鐵塘

在縣東南長三十里世傳吳越王於此運鹽鐵因  
以為名



杜浦塘在縣東八十里

下沙浦

在縣東九十里紹興乙丑通判曹泳開港浦凡十

八處

須顧渚在縣東南二十里

謝家渚在縣東南二十里渚北有渚涇

白龍潭

在縣西北三里世傳有龍蟠伏於中歲旱常禱雨焉

沸井洪

在滬瀆東西有蘆浦中間一水相通有數尺許特  
深如井然水騰涌晝夜不息或云海眼也常有戲  
浴於中者二三尺以下其氣稍溫

### 堰閘

華亭東南並鉅海自柘湖墮塞置閘十八所以禦鹹  
潮往來政和中提舉常平官興修水利欲涸亭林湖  
為田盡決隄堰以泄湖水華亭地勢東南益高西北  
益卑大抵自三泖五浦下注松江以入于海雖決去  
諸堰湖水不可泄鹹水竟入為害於是東南四鄉為

斥鹵之地民流徙他郡中間州縣官雖知其害獲故  
堤堰獨留新涇塘以通鹽運海潮朝夕衝突塘口至  
濶三十餘丈鹹水延入蘇湖境上乾道七年八月右  
正言許公克昌詣於朝時太博丘公密除秀州陞辭  
之日面奉

至尊壽皇聖訓亟來相視與令堵觀議以新涇塘潮  
勢湍急運港距新涇二十里水勢稍緩不若移堰入  
運港為便於是募四縣夫經始於九月廿六日畢工  
於十二月廿七日堰成併築堰外港十六所港之兩

旁塘岸四十七里百八十五丈有奇明年正月廿二日  
上遣監察御史蕭之敏相視又捐四鄉民租九年以  
招復流民又明年正月遣中使宣諭守臣張元成增  
築二月特置監堰官一員招土軍五十人置司顧亭  
林巡邏以防盜運私發諸堰今堰外隨潮沙漲牢不  
可壞三州之田得免鹹潮浸灌之患此  
聖天子德惠而二三公之力也堰成無記恐將來無  
所稽考故述其本始而詳著之焉

運港大堰濶三十丈深三丈六尺厚二十一丈九尺

雙

北  
上  
地名

涇堰澗十五丈深三丈五尺

黃姑涇堰澗五丈深一丈五尺

張應涇堰澗十二丈深三丈

老兒涇堰澗二丈深一丈

何家涇堰澗十一丈五尺深二丈

善涇堰澗九丈深一丈六尺

張涇堰澗三丈深一丈

徐家涇堰澗九丈深一丈八尺

邵家涇堰澗九丈深一丈八尺

新開涇堰濶九丈深一丈八尺

招賢涇堰濶十一丈深二丈八尺

管家涇堰濶三丈深一丈四尺

戚家涇堰濶六丈深二丈五尺

丫叉涇堰濶五丈深二丈五尺

吳塔涇堰濶十丈三尺深二丈六尺

蔣家涇堰濶七丈五尺深一丈六尺

竹岡堰在縣東六十里未詳所在

砂岡堰在縣南七十里未詳所在

鹹塘岸

運港東塘岸自運港堰至徐浦塘計二十四里一  
十七丈西塘岸自運港堰至拓湖二十三里上濶  
六尺下濶一丈五尺高六尺

舊瀚海塘

西南抵海鹽界東北抵松江長一百五十里

張涇閘

在縣東南四十八里隆興甲申八月本路漕臣姜  
詵奏請於張涇堰增瘳為高築月河置閘其堯巨

石兩址相距常有四尺深十有八板之尺有一寸  
以時啓閉故鹹潮無自而入月河之長三千三百  
五十有五尺廣六尺許克昌為之記

### 冢墓

祥符圖經載諸陸潘潘竿融凡十二墓若潘與融既  
非邑人不知何自而葬于此陸禕墓在崑山碑誌尚  
可考反不及之無乃未見征北墓碑耶然諸陸之墓  
自禕外訪其處所無復存者而融墓至今稱之事有  
幸不幸者可為之歎息



陸康墓在縣西北二十里

陸遜墓在縣西北二十三里

陸抗墓在縣北二十二里

陸瑁墓在縣西北三十二里

陸凱墓在縣西北二十二里

陸宏墓在縣西北四十里

陸暉墓在縣西北四十<sup>四</sup>里

陸監墓在縣西北一十九里

陸景文墓在縣西北三十里

陸馭墓在縣西北十九里 已上詳見人物門

潘濬墓在縣西北二十里按吳志云濬字承明武陵漢壽人也弱冠從宋仲子受學為郡功曹孫權殺關羽于荆上拜為輔軍中郎將有功遷奮威將軍權即位封劉陽侯遷太常赤烏二年薨

笮融墓在縣東北四十里按吳志云融丹陽人初徐州牧陶謙使督廣陵運漕曹公攻謙徐土蕭條融將男女一百口馬三十疋走廣陵今北亭鄉有笮墓涇、旁有高壠世稱為笮墓云

陸禕墓在縣西北二十七里崑山之絕頂舊有征北  
將軍陸禕墓碑今雖斷毀不全而龜趺尚存焉

知縣題名

自置縣以來唐之賢宰舊經所載止蘇籥一人稱其  
在縣簡惠蒞事公正

國朝咸平以前令之姓氏無所稽考自咸平五年迄  
于建炎二年尚餘慶至許知微凡五十有三人則姚  
舜明為之記自紹興元年迄于淳熙元年呂應問至  
劉侯凡一十有九人則劉侯為之記自淳熙三年迄

于紹熙四年趙汝諲至揚潛凡七人則揚潛為之記  
其間流風善政為民所稱誦者蓋亦有焉

唐張聿琅琊人

包某 長陵人德宗時

蘇籀

商餘慶 咸平五年

劉唯一 景德元年

孟虛舟 大中元年祥符

李釋回 大中三年祥符

董抗 大中祥符五年

尚遠 大中祥符九年

蹇利涉 天禧元年

張昭慶 天禧二年

李衡 乾興元年

張鑄 天聖元年

王舉直 天聖二年

田慶遠 天聖三年

李宏

五年  
天聖

楊侑

十年  
天聖

錢祐

三年  
景祐

錢昭乾

二年  
康定

宋宜

六年  
慶曆

吳及

四年  
皇祐

胥元規

二年  
嘉祐

袁晉材

七年  
嘉祐

張若濟

元年  
熙寧

向繹

七年  
天聖

唐詢

二年  
明道

丁詡

二年  
寶元

謝景溫

四年  
慶曆

章拱之

元年  
皇祐

楊慥

元年  
皇和

聶儀仲

五年  
嘉祐

胡定之

二年  
治平

上官汲

四年  
熙寧

邵奇

熙寧七年

周家

元豐四年

陶鎔

元祐二年

章景遇

元祐七年

俞結

紹聖三年

孫植

元符三年

楊子方

崇寧元年

楊光弼

大觀元年

章懿文

大觀四年

盧秉

元豐元年

陳謚

元豐七年

劉鵬

元祐五年

黃似

紹聖元年

賈泰

元符元年

左嵩

建中靖國元年

章玟

崇寧二年

徐思安

大觀三年

姚舜明

政和元年

三九

黃昌衡 政和七年

鮑貽慈 宣和三年

許知微 建炎二年

張公紱 紹興三年

林衡 紹興九年

趙伯虎 紹興十六年

吳金 仁 紹興十二年

王崧 紹興十五年

周極 紹興十九年

胡侃 宣和元年

陳球 靖康元年

呂應問 紹興元年

詹克可 紹興六年

楊壽亨 紹興三年

陳祖安 紹興九年

龔相 紹興三年

周允聞 紹興六年

蔣思祖 紹興二年

張昉

元乾道

侍其銓

二乾道

陳翊

八乾道

趙汝諲

三淳熙

楊擣

九淳熙

劉璧

淳熙十  
三年

楊潛

紹熙  
元年

張柝

樊湛

雷聚

元乾道

堵觀

五乾道

劉侯

淳熙  
元年

徐安國

淳熙  
六年

葉仲英

淳熙十  
二年

柳楸

淳熙十  
六年

張穎

徐民瞻

錢閻

嘉泰  
元年



趙汝章

嘉泰四年

湯詵

開禧元年

汪立中

開禧二年四月到任  
十一月借緋三年九月

滕珂

嘉泰元年

徐晞稷

嘉泰二年

樓鏞

嘉泰四年

陳遇

嘉泰五年

陸三省

嘉泰六年

李百壽

嘉泰七年

錢德謙

嘉泰八年

陳鉤

嘉泰十一年

張孝聞

嘉泰十三年

陳奇之

嘉泰十五年

王琮

嘉泰十七年

詹驕

寶慶三年

黃崖

紹定元年

程燾

紹定三年

韓曾

紹定六年

宋良才

嘉熙元年

蔡朴

淳祐二年

鄭南

淳祐七年

楊瑾

瑞平元年

韓識

嘉熙四年

施退翁

淳祐四年

陳叔躬

淳祐八年

進士題名

唐博學宏辭科

光啓二年

三禮科

陸贄

字敬輿西京試第大人

陸扆

字祥文禮部一人

顧謙

進士題名

華亭壯邑業儒者衆今訪之耆舊及考諸登科記自天禧三年迄于紹熙四年凡一百七十有七年登進士第者凡八十有八人其間魁多士冠南宮入政府登從班者蓋不乏人亦云盛矣陳舜俞登慶曆六年第再中嘉祐四年材識兼茂明於體用科按國史舜俞湖州人知山陰縣時青苗法初行不奉令上疏自劾請南康酒稅棄官而歸居秀之白牛村自號白牛居士雖湖人不得不載也崇寧五年朱季資以內舍

辟廡錄試於中書賜第紹興四年呂元亮以布衣被  
薦召對出官皆非常科茲不載焉至若特恩則無題  
名可考姑撫耳目之所見聞者附云

天禧三年王整榜

呂諤

天聖二年宋彛榜

呂詢

景祐元年張唐卿榜

呂評

慶曆六年賈黯榜

陳舜俞

字令舉嘉祐四年直言極諫科第一人

嘉祐二年章衡榜

呂全

用開府賞

嘉祐六年王俊民榜

朱伯虎

用開封賞  
字才元第五甲第二人太子少師

嘉祐八年許將榜

戴顥甫

一姓錢

朱鞏

用開封賞  
字惟道伯虎從父

治平二年彭汝礪榜

朱伯熊

用開封貫伯虎之弟  
字才翁宣奉大夫

熙寧三年葉祖洽榜

呂公美

用開封貫

六年余中榜

呂奎

用開封貫

元豐二年時彥榜

柳庭俊

工侍

章粹

用建寧貫

元祐三年李常寧榜

呂益柔

用開封貫甲科  
華二人刑侍字天則

張徽言

六年馬消榜

朱紱

改名諱甲科第  
二人右丞伯虎從子

富開

朱之純

用開封貫

紹聖元年畢漸榜

柳庭傑

庭傑之弟

呂桓

北欽宗御諱

四年何昌言榜

張天材

改名卿才

崇寧二年霍端友榜

朱紘

改名謹用開封貫紉之弟  
弟三甲第一人

五年蔡薏榜



王麓

張旬

呂少蒙

州閩封貫

大觀三年賈安宅榜

柳約

戶侍  
庭後之第

姚毅

改名輝

張昭

陳之元

衛上

改名作連  
字連可

黃子服

政和五年何鼎榜

衛開

八行宣教節

黃鏗

鎮之弟

黃鎮

張康朝

八年嘉王榜

衛闡

字致虛涇之祖朝奉大夫贈太師魏國公

宣和元年貢士王俊乂榜

衛膚敏

甲科第三人禮侍  
闈從子字商夫

三年何渙榜

富說

闈之子

建炎二年李易榜

黃銓

甲科

紹興二年張九成榜

孫朝彥

用闈封貫

五年汪應辰榜

任盡言

用眉州賈甲科賈  
言弟字元受

朱冠鄉

任奠言

用眉州賈

葛溫鄉

用開封賈

八年黃公度榜

陳璿

用秦州賈

董天民

十二年陳誠之榜

潘旦

十五年劉章榜

潘瑋

甲科改名  
絳字仲實

陳伯達

張圖南

十八年王佐榜

張偉

字書言新江  
鄉道成里人

林公望

字叔山莊  
宅里人

柳仲永

字德修  
用銀江貫

廿一年趙達榜

張廷筠

昭之子

鄭聞

省元用閩封貫  
參知政事

廿四年張孝祥榜

衛稷

仲達仲子  
處州教授

錢良臣

參政  
字友魏

徐銳

廿七年王十朋榜

朱倫

三十年梁克家榜

許克昌

用樸州貫  
字上達狀元

蓋經

用閩封貫字常父  
甲科戶侍

衛博

字師文樸從弟  
張家院編修

柳大雅

用臨安貢

張伯峻

內貢

呂蒙

用平江貢

練夢鵬

用湖州貢

三十二年本待問榜

陳之方

用建州貢

張序

張子泳

一姓朱又作隆興元年

趙善沫

玉牒

乾道二年蕭國梁榜

朱繹之

用湖州貢兵部中甲科字黃言

吳伯凱

用開封貢

趙善調

玉牒

徐玠

用鎮江貢

周益

柳梓

五年鄭僑榜

王觀國

用開封貢

林廷瑞

用平江貢

葉昉

八年黃定榜

任巖叟

用通州貢

淳熙二年詹駉榜

衛藻

字德章仲達仲孫朝奉大夫

五年姚穎榜

趙師慄

玉牒

張之德

八年黃由榜

朱端常

用湖州貢  
鮮之子尚書

柳詵

用臨安貢

十一年衛涇

狀元、開之孫

十四年王容榜

胡林

鄉甲科  
用平江貢

王正綱

用奉州貢

十六年上舍魁釋褐

林至

字德久官秘書省  
師朱晦庵

紹熙元年余復榜

趙汝澄

玉牒

慶元五年曾從龍榜

趙汝詒

嘉泰二年傅行簡榜

張淡

張渙臣

嘉定元年鄭自誠榜

衛价

用鎮江貢仲達曾孫字藩叟

衛洽

涇弟

衛洙 右司郎中

四年趙建大榜

趙汝郟

王牒

七年袁甫榜

十三年劉涓榜

孫一飛

胡琚

林州之子

林章

至之子

十六年蔣仲珍榜

張益臣

開慶元年周夢炎榜

葉汝舟

柳正孫

三年方山京榜

錢夢炎

咸淳元年阮登炳榜

曹應符

字泰叔衢州司戶參軍

趙崇徽

咸淳鄉貢進士陸寔龍

字伯堂禮記

謝國光

字觀夫

紹定二年黃朴榜

黃英發

五年徐元杰榜

杜從龍

嘉熙二年周坦榜

錢宜之

錢虞之

淳祐十年方逢辰榜

洪應辰

寶祐元年姚勉榜

錢拱之

布衣被召賜第

朱李賢

內舍

呂元亮

衛謙

字有山仲達六世孫  
不本登第未詳何年



特奏名 附九三十一人

章枳

詹奕

衛仲遠

衛稹

陳聖任

鄭灑第二名

吳正邦

陳世德

朱宗卿

葉簡

王鼎

姚端方

錢九韶

葉曷

朱振

張伯起

章移忠

鄭丙

林一飛

曹元鼎

柳榘

柳大韶

戚簡

黃裳

朱端復

朱伯龍

朱彥直

朱端禮

朱澥

朱聞

朱允

揚潛雲間志三卷余見諸三硯樓係新

後歸松心沈氏項坊友一舊鈔本也示

卷歸五枚易之補余所藏舊志之闕潛研老

人云宋人縣志存於今者惟剡錄與此爾今余  
所收二志皆舊鈔可謂幸事歲莫無聊藉此消  
遣閱緒庚午年八月二十日後翁識

幸未夏仲沈錡中之以五硯樓本屬而校勘

全備述子東蘇任其事此本校佳間一二

二字可證以吳者以墨字作蠟頭字者于

上方校幸